



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 100. Galeati Carracioli a vera fide defectio, ejusque Genevam secessus,
ac mors.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Declamatoris officio ab anno salutis nostræ millesimo quingentesimo quadragesimo secundo usque ad annum millesimum quingentesimum septuagesimum quintum fungebatur, ac Bullingero succedebat, nominatus primus præfatæ Ecclesiæ Protestanticæ Ministellus. Hic præter suas Homilias, ad quas confarcinandas aptus videbatur, commentarios scripsit in Psalmos, Isaiam, duodecim Prophetas minores, tres primos Evangelistas, actus Apostolorum, & in epistolam ad Romanos: præterea Theodoreti sermones de Providentia latine reddidit præter alia Historica, & liberalium artium opuscula.

Sæcul. XVI.
A. C. 1586.

§. C.

Galeatii Caraccioli a vera fide defectio, ejusque Genevam secessus, ac mors.

Pariter hoc anno Genevenses quemdam *Thm. l. 84.*
 lugebant nobilem natione Italum, *Spon. hist. de Genev. tom. 2. l. 3. p. 52.*
 qui relictis suis bonis, & patria hæreticam pravitatem amplexurus Genevam *Leti hist. de Genev.*
 secessit. Is erat Galeatius Caracciolus
 Vici in Neapolis Regno Marchio, ac Filius Nicolai Antonii Caraccioli, qui in Italiæ bellis animi fortitudine conspicuus Matrem habebat, quæ Joannis Petri Caraffæ Cardinalis, ac postea
Hist. Eccles. Tom. L. Ff sum-

Sæcul. XVI. summi Pontificis sub nomine Pauli IV.
A. C. 1586. foror erat: Galeatius vero in Caroli V.,
 & Philippi II. Aula educatus utriusque
 Principis benevolentiam promereba-
 tur: verum a Petro Martyre, qui Nea-
 poli in secretis conventiculis hæresim
 suam spargebat, infeliciter seductus
 quærebat quandam occasionem itineris,
 quod sui Officii ratio in Germaniam,
 ubi Carolus V. ejus opera indigebat, sus-
 cipiendum suaserat, hinc Patrem, u-
 xorem, suosque liberos reliquit, ac
 Genevam secessit, quo etiam mense Ju-
 nio anno salutis nostræ millesimo quin-
 gentesimo quinquagesimo primo perve-
 nit: equidem eo nondum adventante a
 nonnullis in vulgus spargebatur, illum
 nonnisi exploratorem fore: verum fa-
 miliare illius cum hæreticis consortium,
 moresque ad honestatem compositi bre-
 vi hujus famæ falsitatem prodidere,
 unde ab omnibus magni habitus, atque
 a publicis curis, aliisque cujuscunque
 generis molestiis semotus nonnisi pau-
 corum amicorum societate fruebatur,
 inter quos arctiorem cum Calvino Hæ-
 resiarcha amicitiam fovebat: cum vero
 jam quartum annum Genevæ hæreret,
 civitatis jure a Senatu honoratus, ac
 demum ducentorum Consulum Senatui,
 necnon curiæ, quæ ex sexaginta Sena-
 toribus constat, adscriptus rem eo de-
 ducebat,

ducebat, ut Genevæ pro Italica Natione perpetuo jure Ecclesia congregaretur, pro qua sanctæ Magdalenæ Templum assignabatur, ibidemque sermones Italico idiomate habebantur.

Sæcul. XVI.
A. C. 1586.

Dum interea hæc gerebantur, ipse Galeatius iter in Italiam instituit, ubi quantocius cum suo Patre, & postea cum sua uxore colloquebatur, nec tamen Patris reverentia, nec conjugis amor, aut liberorum blanditiæ eum adducere potuerunt, ut ejuratæ veræ fidei propositum mutaret, aut in Italia persisteret: quinimo Genevam reversus se a sua conjuge divortio separatum mentiebatur, moxque circa suum ad secundas nuptias transeundi propositum Ministellos consuluit, qui eidem alteram uxorem ducendi facultatem concesserunt: unde Galeatius adulterino confortio sibi jungebat quamdam quadraginta annorum viduam nomine Annam Fermeriam, quæ post primi Mariti sui obitum Rothomagum patriam suam religionis causa reliquerat, quacum Galeatius conjunctissime vixit usque ad sexagesimum octavum ætatis suæ annum, quo Genevæ infelicem exhalabat animam.